

Surat khabar: Utusan Borneo (Tempatan)

Hari/Tarikh: 7/9/2013

Muka surat: 16

Tajuk : Program UNIMASku Sayang Akan Bawa Universiti Dalam Masyarakat.

# Program UNIMASku Sayang akan bawa universiti dalam masyarakat

**KOTA SAMARAHAN:** Program UNIMASku Sayang yang dilancarkan Universiti Malaysia Sarawak (UNIMAS) semalam menyasarkan menganjurkan 110 aktiviti khusus untuk pelajar baharu ambil September 2013/2014.

Timbalan Naib Canselor UNIMAS (Hal Ehwal Pelajar dan Alumni) Prof Mohd Fadzil Abdul Rahman berkata, program itu bertujuan memasyarakatkan universiti melalui kegiatan pelajar.

"Kita menyasarkan menganjurkan 110 aktiviti untuk pelajar semester pertama dan konsep ini akan membawa universiti ke dalam masyarakat melalui pelaksanaan aktiviti pelajar bersama masyarakat.

"Pelaksanaan program ini dapat menjadi pemangkin dalam membudayakan sifat kesukarelawan, keusahawanan sosial dan pembentukan semangat patriotisme dalam diri pelajar," katanya ketika berucap pada Majlis Pelancaran Program UNIMASku Sayang di Pejabat Pentadbiran Pusat Pemajuan Pelajar (PPP) UNIMAS di sini semalam.

Fadzil berkata, program yang dianjurkan PPP dengan



**JALINAN MASYARAKAT:** Fadzil (dua kiri) ditemani Rusli (kiri) dan Shafiq melancarkan Program UNIMASku Sayang semalam.

kerjasama Majlis Perwakilan Pelajar (MPP) UNIMAS akan dijalankan di dalam dan luar kampus.

"Program ini dijalankan berdasarkan pengenalan masalah atau isu yang berbangkit dalam masyarakat dan kita akan membantu menyelesaikan masalah setempat dan kumpulan

sasaran melalui aktiviti yang diadakan," tambahnya.

Justeru, beliau memberitahu seramai 5,000 masyarakat setempat dijangka akan menikmati manfaat daripada penganjurkan program itu.

"Saya berharap pelajar baharu dapat mengikuti program yang dianjurkan ini bagi me-

realisasikan dan memastikan UNIMAS dapat melahirkan graduan yang berdaya saing dan boleh diterima di pasaran pekerjaan," ujarnya.

Hadir sama Dekan PPP Prof Madya Dr Rusli Ahmad, Yang Dipertua Pelajar MPP Dzul Shafiq dan tetamu kehormat lain.